

hoer seluen / meer onse here troestede
 goedertynlick sijn moeder en loue
 de hoer dat hie by hoer wolde bliue
 des anderen daghes **A**ls sie toe same
 quemen toe bethanien doe voersede
 onse here sijn ghebenedide lijde voer
 hem allen die daer weren / als dat he
 den doet lijden moste / en dat hie daer
 toe hants nat by was **E**n dit bewi
 sede hie oeck myt figuren inder older
 ee / want abraham sijne lieue soene
 offerde / ende die soen liet hem myt
 willen offeren **D**eck sede hie van dat
 lam dat gheboden was toe doden
 teghen die hoechtijt van paesche en
 voele ander figuren / daer hie mede
 beweest dat hie den doet moste lijden
Als sie dit hoerden worden sie alle
 bedroeft / ende die ene sach den andere
 an als die harde dynghen haidn voer
 handen **H**ijr van secht een lever die
 iacob liet dat onse lieue here in die